



SÁMEDIGGI
SÁMITIGGE
SÁÁ'MTE'ĠĠ
SAAMELAISKÄRJÄT

SKUVLEN- JA OAHPPAMATERIÁLADOAIMMAHAT
KOULUTUS- JA OPPIMATERIAALITOIMISTO

Mo oaččun sámegiela oahpahusa? Mo oaččun sámegiela oahpahusa iežan mánnái?

Govva Salli Parikka, girjjis Oahptii Ingá: Áppes, Min meahci máidnasat.



Oahpahus sámegielas ja sámegillii Suomas

Vejolašvuodát sámegiela ja sámegielat oahpahussii ášahuvvojit vuodđooahpahus- ja logahatlágain, oahpahus- ja kulturministeriija mearrádusain ja oahppoplána vuođuštusain. Gustojeaddji vejolašvuodát gusket buot golmma sámegiela: anáraš-, nuortalaš- ja davvisámegiela.

Sámiid ruovttuguovllu gielddain skuvllas lea geatnegasvuohta ordnet vuodđooahpahusa eanas osiid sámegillii daidda ohppiide, geat máhttet sámegiela. Geavadis dat dárkkuha vuodđooahpahusa oahppái vuoigatvuoda oažžut unnimustá beali oahpahusas sámegillii. Logahagas ja ámmátlaš skuvlejumis sámegielat oahpahus lea maid vejolaš. Dasa lassin ruovttuguovllus lea vejolaš lohkat sámegiela sihke eatnigiellan ja vierisgiellan vuodđooahpahusas, logahagas ja ámmátlaš skuvlejumis.

Sámiid ruovttuguovllu gielddaid olggobealde lea vejolaš oažžut sámegiela oahpahusa, muhto oahpahusa ordnen gáibida erenoamáš aktiivvalašvuoda! Oahpahus ordnejuvvo sihke lagas- ja gáiddusoahpahussan. Bargga ná: Juos háliidat sámegiela oahpahusa, evtot dan iežat skuvlla rektorii. Sáhtát maid váldit oktavuoda sámedikki skuvlen- ja oahppomateriáladuoimamahakkii info@samediggi.fi. Duoimmaht veahkeha studeantaid, váhnemiid ja oahpahusa lágideddjiid oahpahusa ollašuhttimis.

Studeantadutkosis lea vejolaš čadáhít sámegiela eatnigiela dahje vierisgiela iskosa. Sámegiela logahatgursaid sáhtá čadáhít maiddái gáiddusin. Daid ohppiid, geat vázzet logahaga sámiid ruovttuguovllu olggobealde, gánneha čuovvut oahpahusfálaldaga Sámi oahpahusguovddáža virtuála-skuvllas www.sogsakk.fi ja sámegiela gursaid lágideami e-logahagas www.elukio.fi. Logahatgursaid čadahanvejolašvuodain sáhtá jearrat maid sámiid ruovttuguovllu gielddaid logahagain, main leat virtúalastudeanttat juohke jagi.

Sámi oahpahusguovddáš ordne juohke jagi lagasskuvlejumi anáraš-, nuortalaš- ja davvisámegielain, www.sogsakk.fi. Skuvlejupmi bistá olles lohkanbaji.

Suomas golmma universitehtas sáhtá lohkat sámegiela: <http://www oulu.fi/giellagasinstituutti/>, www ulapland.fi , <http://www helsinki.fi/sup/> .